



# CRWD Cov Kev Pab Cuam Uas Muaj Nyiaj Pab

Capitol Region Watershed District (CRWD) cov kev pab cuam uas muaj nyiaj pab yeej muab nyiaj txiag thiab tswv yim coj mus pab cov kev tsim tsa thiab kev pab cuam uas yuav tiv thaiv cov pas dej nyob ib ncig ntawm tej thaj chaw thiab tiv thaiv tus dej Mississippi River.

Cov dej uas muaj khoom tsis huv siab — dej nag thiab dej dau yaj uas ntwis saum cov chaw tawv thiab ntwis mus rau hauv cov kwj deg uas npaj rau dej ntwis thaum los nag — yog cov dej uas ua rau cov pas dej thiab cov dej tsis huv siab feem ntau, tshwj xeeb tshaj yog nyob rau ntawm cov thaj chaw nyob hauv plawv nroog. Cov av feem ntau nyob hauv CRWD yeej yog cov av uas twb muaj vaj muaj tsev thiab muaj kev tsheb thiab muaj tswv tag lawm; yog li ntawd, txoj kev koom tes los ntawm cov pej xeem, cov koom haum uas tsis yog koom haum ua lag luam, cov tsev kawm ntawv, cov lag luam, thiab cov pab pawg neeg teev kev ntseeg, los mus tsim tsa tej khoom thiab kev pab cuam uas yuav pab tiv thaiv peb cov dej yeej yog ib yam uas yuav tsum tau muaj. Nyeem ntxiv saib koj los sis koj lub koom haum puas yuav tsim nyog tau CRWD ib qhov nyiaj pub.

## Leej twg thiaj li yuav tsim nyog tau qhov nyiaj pab?

Cov pej xeem, cov koom haum uas tsis ua lag luam, cov tsev kawm ntawv, cov lag luam, thiab cov chaw tuav dej num pab pej xeem nyob hauv (cov ciam av) ntawm CRWD yeej tsim nyog tau qhov nyiaj pub. Yog xav pom daim duab qhia cov ciam av ntawm CRWD, mus xyuas ntawm [capitolregionwd.org/about-crwd](http://capitolregionwd.org/about-crwd). CRWD mam li muab qhov kev tsim tsa coj los tsom xam hais tias saib qhov kev tsim tsa ntxim yuav pab ua tau kom muaj dej huv siab ntau npaum li cas los sis yuav pab tau lub zej zos ntau npaum li cas coj los txiav txim hais tias saib lawv yuav muab nyiaj npaum li cas coj mus pab.

## Cov nyiaj pab ntawm no yog muaj zoo li cas?

CRWD yeej muaj ntau cov nyiaj pub coj los ua kom neeg siv cov kev tswj thiab kom neeg cov cwj pwm uas yuav ua kom tus dej Mississippi River, cov pas dej thiab cov hav iav muaj dej huv siab.

Mus nyeem cov lus qhia txog txhua qhov ntawm no nyob rau phab ntawv tom qab ntawm phab ntawv no.



Daim duab saum: Saint Paul Qhov Kev Qhia Txog Duab los sis Kev Kos Duab, Partner Grant (Cov Nyiaj Pab Rau Kev Ua Kom Muaj Kev Koom Tes).  
Caroline Yang yog tus yees daim duab no

Daim duab hauv qab: Pej xeem lub vaj siv dej nag, Clean Water Project Grant (Cov Nyiaj Pab Rau Cov Kev Tsim Tsa Kom Muaj Dej Huv Siab).



# CRWD Cov Kev Pab Cuam Uas Muaj Nyiaj Pab

## Partner Grants (Cov Nyiaj Pab Rau Kev Ua Kom Muaj Kev Koom Tes)

**Cov Hom Phiaj:** Muaj nyiaj pab rau lub zej zos, rau cov koom haum khiav hauj lwm rau duab los sis kev kos duab thiab huab cua txhua yam ib puag ncig, rau cov tsev kawm ntawv, rau cov pab pawg neeg teev kev ntseeg thiab cov nroog los mus qhia cov pej xeem thiab los mus tshaj tawm cov dej num uas yuav ua kom muaj dej huv siab.

**Muab txog li ntawm:** \$5,000 - \$20,000. Qhib txais ntawv thov ib xyoo ib zaug, thaum lub caij nplooj ntoos zeeg.

## Clean Water Project Grants (Cov Nyiaj Pab Rau Cov Kev Tsim Tsa Kom Muaj Dej Huv Siab)

**Cov Hom Phiaj:** Muaj nyiaj txiag thiab muaj tswv yim coj mus pab cov tswv tsev thiab cov pej xeem, cov koom haum pab tus kheej, thiab cov koom haum tsis ua lag luam los mus tsim cov kev khiav hauj lwm saib xyuas dej nag uas zoo tshaj (BMPs) thiab tiv thaiv thiab ua kom muaj dej huv siab nyob hauv CRWD.

**Muab txog li ntawm:** \$500 - \$200,000 rau ib qhov kev tsim tsa. Qhib txais ntawv thov txhua lub sij hawm hauv lub xyoo.

## Planning Grants (Cov Nyiaj Coj Mus Siv Rau Kev Npaj)

**Goals:** Muaj nyiaj pab rau cov pej xeem, cov koom haum pab tus kheej, thiab cov koom haum tsis ua lag luam rau txoj kev uas yuav ua tau thiab tus qauv ntawm cov kev tsim tsa uas yuav tsis siv nyiaj ntau thiab/los sis siv tswv yim tshiab los mus tiv thaiv thiab los mus ua kom cov dej thiab pas dej nyob hauv CRWD muaj dej huv siab.

**Muab txog li ntawm:** Qhov nruab nrab ntawm qhov nyiaj muab mus pab yog \$20,000. Qhib txais ntawv thov txhua lub sij hawm hauv lub xyoo.

## Clean Water Project Maintenance Grants (Cov Nyiaj Pab Rau Kev Saib Xyuas thiab Kev Kho Cov Kev Tsim Tsa Kom Muaj Dej Huv Siab)

**Cov Hom Phiaj:** Muaj nyiaj thiab muaj tswv yim coj mus pab cov tswv tsev thiab cov pej xeem, cov koom haum pab tus kheej, thiab cov koom haum tsis ua lag luam los mus saib xyuas thiab kho Cov Kev Tsim Tsa Kom Muaj Dej Huv Siab uas twb tau muab nyiaj mus pab yav tag los lawm.

**Muab txog li ntawm:** \$200-\$2,000 txhua xyoo rau lub sij hawm uas tseem siv ib qhov kev tsim tsa, feem ntau yog ntev li kaum xyoo tom qab ua tiav qhov kev tsim tsa. Qhib txais ntawv thov txhua lub sij hawm hauv lub xyoo.

## Native Landscape Grants (Nyiaj Pab Rau Kev Ua Kom Muaj Cov Nroj Tsua Uas Ib Txwm Muaj Nyob Ntawm Ib Thaj Chaw)

**Cov Hom Phiaj:** Muaj nyiaj thiab muaj tswv yim coj mus pab cog cov nroj tsua uas ib txwm muaj nyob ntawm ib thaj chaw thiab cov kev tsim tsa kom muaj kab mov ntsauv paj nyob hauv CRWD Thaj Chaw Uas Yuav Muab Kho.

**Muab txog li ntawm:** Tsuas muab tib zaug xwb uas yog ntau txog \$1,000. Qhib txais ntawv thov txhua lub sij hawm hauv lub xyoo.

## Rain Barrel Workshop Grants (Nyiaj Pab Rau Kev Qhia Siv Thooob Dej Nag)

**Cov Hom Phiaj:** Muaj nyiaj pab rau cov pab pawg neeg uas muaj kev qhia neeg siv thooob dej nag. Siv cov thooob coj los cug dej nag tseg cia tau siv coj mus ywg nyom los sis vaj zaub yuav txo tau kom tsis txhob muab dej ntwis ntau thaum los nag.

**Muab txog li ntawm:** \$50 rau ib tus neeg, ntau txog li \$2,000 suav tag nrho ua ke rau thaum muaj kev qhia ib zaug. Qhib txais ntawv thov txhua lub sij hawm hauv lub xyoo.

Yog xav paub ntau tshaj qhov ntxiv thiab yog xav mus thov:

[capitolregionwd.org/grants](http://capitolregionwd.org/grants)

Hu: 651-644-8888

595 Aldine St., St. Paul, MN 55104



Scan for more information

Escanea el código para más información

Yog xav paub ntxiv mus yees lub cim

Lambarka halkan mari si aad u aragto faahfaahin

ဖခိ (စက်) အိဒ်သီးကဒီးနိုတ်ကစီဂ်ဂျီအေထီဂ်အီတက့



Pej xeem lub vaj siv dej nag, Clean Water Project Grant (Cov Nyiaj Pab Rau Cov Kev Tsim Tsa Kom Muaj Dej Huv Siab).